

Tumba Calypso Festival na Curaçao

MIGHTY TALENT TABATA "OUT OF THIS WORLD"



**** Mighty Talent ta un showman "out of this world". E bunita expresion aki pa puru casualidad DEN AMBIENTE a scucha den un restaurant hunto cu e Tata di Tumba Boy Dap. Un expresion cu sin duda Aruba mester ta orguyoso di dye.**

**** Diarason ultimo riba invitacion di Harold de Miranda di Entertainment Express, DEN AMBIENTE a viaha pa Curacao pa asina cubri e Tumba Calypso Festival cual evento a tuma lugar den Curacao Festival Center.**

Aruba tabata representa pa Calypso/Roadmarch king 1993, **Mighty Talent** y su grupo **Oreo**, y **Placentero Ritmo y Cuerde**. Tambe tabata tin presentacion di nos **Queen Calypso infantil Analia Rasmijn**, y e comico/cantante, **Lord Cachete**. Di parti di Curacao tabata tin presentacion di **Gibi** y su **Explosivos** cu nan **Rey di Tumba Irvin Jaño**, e **Tata di Tumba Boy Dap**, agrupacion **Rissam** cu e finalista **Elia Isenia**, **Doble R** cu e finalistanan **Harry Zimmerman**, **Pachi Damon** y tambe **Mr. Saab** y **Roy Herenveen**.

E evento aki a ser transminti live pa Tele Curacao y varios radio emisoranan, caminda e asistencia publico no tabata grandi manera aña pasa. Segun por a compronde cu esaki ta debi na e cambio di fecha, pa cual net riba e dia ey tabata tin un "jump up" cu a hala casi un 4 mil hende. Actualmente e "jump up" nan ta hala masha hopi hende na Curacao.

Tabata tin un casi 2 Mil persona presente den festival center entrenan hopi Arubianonan residencia na Curacao, kendenan a goza un mundo di e fabuloso presentacion di nos orguyonan di Aruba. Tremendo mes tabata e actuacion di **Mighty Talent**, kende ta goza di un popularidad increible na Curacao. E tabata tin e publico den su planchi man y a alimentanan pa mas cu un ora largo cu su "greatest hits" nan di calypso.

Tabata manera un orkan a pasa den festival Center na momento cu e la los su recien exitoso hit "**Jerusalem**", y su roadmarch **Tira Awa**.

Ritmo Placentero y Cuerde tabata tin un acohiba enorme, y e publico a move pisa riba cada melodia di nan. **Tico Kelly** tabata formidable riba su mandolin, y tabata centro di atencion serka varios miembronan di prensa tanto skirbi y na radio. E la wordo reconoci como un virtuoso tocado di mandolin. Algo cu sigur a keda demostra cu **Ritmo Placentero y Cuerde** ta hopi queri na Curacao, caminda nan venta di CD a kibra record, y pa varios siman nan ta aparece riba puesto halto riba Top 40 di diferente radio emisoranan.



**** Mihgty Talent ta gradici Feco Gomez pa e bunita plaquette ricibi, y alaves ta manda un danki na e pueblo di Curacao cu semper a sostene.**



**** Qeen Analia a gana simpatia di henter Curacao, na momento cu e la interpreta su tremendisimo cancion "I Love Curacao". Tambe e la cosecha hopi aplauso pa su forma di baila. Hopi curashi e talentoso Qeen aki tin !!**



**** Lord Cachete tabata formidable den su presentacion, y manera semper ta pone henter e publico hari cu su estilo unico. Durante su actuacion e la wordo ataca formalmente pa e dos damanan aki, y por poco e la hera di keda sin bin Aruba cu su cachete.**

DIASABRA BLUE WAVE Y PAPITO

Lo bai tin un Premio di

Afl. 1000,=

Pa e mihor Pareha Bailador di:

"Bacadi - Bacada"

y Diadomingo

"Vanetine's Party"

cu de Todo un poco

Lo bai tin Regalos y Sorpresa
y T-Shirts - C'D's y algo mas.